

煙霞萬古樓詩選

序

太元之草成而劉歆欲覆醬瓿三都之賦出而士衡欲蓋酒壺同是時也桓譚以爲絕倫張華爲之紙貴豈文無定評嗜癖者有異癖嬖眇者多一目歟李百藥曰文章者性情之風標神明之律呂也張融自序曰吾文章之體多爲世人所驚又曰文豈有常體丈夫何至因循寄人籬下裴子野論文曰人皆成於手吾獨成於心北齊祖瑩亦語人曰文章須自出機杼成一家風骨何能共人生活哉讀劉勰之雕龍不如通摯虞之流別讀鍾嶸之詩品不如追韓嬰之傳說

見其委海若天吳見其原岷觴積石統四千年之文
爲一文觀合四千年之詩作一詩釋而古今詩與文
之正變洞然胷中矣法律一新如曹參守蕭何之文
旌旗一變如光弼將子儀之軍非謂師涓奏樂必造
新聲徐摛作文不拘舊體也或曰延年隘薄靈運空
疎奈何曰此乃不盡讀天下之書與詩文而漫然操
觚之謂也漢郭憲王嘉全構虛辭孟堅所以致譏子
玄爲之絕倒抱朴子所謂懷空抱虛有似蜀人葫蘆
之喻乎南史氏曰文章容易逋峭難又曰文章不斌
媚正如疥駱駝今世之勉力宏詞者班馬奇字白孔

之逾數日卒余爲作傳所謂孝慧宜人也端中年以後奉道誠篤知前生與裴之同自玉清來今仍歸玉清也井叔名嘉祿長洲人詩人鐵夫先生子也爲吳門七子翹楚年未三十而卒詩極明秀端爲選存四卷今年余至繁昌乃先爲刻仲瞿詩而誌其顛末如此

道光庚子中秋錢塘陳文述書於春穀官舍

煙霞萬古樓詩選序

秀水王君仲瞿奇才也奇於文亦奇於詩言論風采
出以游戲雄辨博奧所至傾其座人類談天雕龍所
爲非狂傲也而世人咸以狂傲目之夫狂傲文人之
大病也君未嘗狂傲人目以狂傲一倡百和而狂傲
之名遂不能自解於世則露才揚已之所致也又爲
座主吳公假其名形諸奏牘得以微罪罷官歸里而
君之名遂爲世人所口實屢試南宮擯於有司卒潦
倒不得志以死則露才揚已人因目爲狂傲之所致
也則有才而不自晦其才之所致也君生平著錄甚

富大半零落駢體文數十篇錢君梅溪蒐葺付梓寄
余吳門書局詩稿十餘卷君病中付余子裴之爲敬
禮定文之託裴之沒於漢上稿存余子婦汪端所端
詩學甚深嘗選定明三十家詩遠出牧齊竹垞歸愚
諸選本上又重刊裴之澄懷堂遺詩於余詩亦多所
刪訂規正其所爲自然好學齋詩十卷老輩皆推重
之又嘗爲余戚邵夢餘大令刻鏡西閣遺詩仲瞿與
井叔兩集恒置案頭呼之曰老王先生小王先生以
兩人詩集皆裴之生平未竟之志各爲選定病中請
於余期他日必付梓以完裴之人世文字之債余諾

陳羹華林類苑疊韻雙聲驟焉而蘇綽大詒忽然而
王莽金縢著淵通以仿道德擬太玄而作測靈以艱
深文其淺陋以奇嶮幸其功名楊雄以爲嘵嘵之學
繡其輦輓而目之爲翰林主人者非也亦有好事焉
者鑄賈島而拜像東坡而祀密膏飲杜少陵之灰遍
體刺白香山之字老兵之貌中郎優孟之學期思高
冠大屐而自居某一家之詩與文者悖矣氣水也言
浮物也袁先生曰重而能行乘萬斛舟重而不行猴
騎土牛水浮而物之浮者大小畢浮不然而任昉沈
約結其集魏收邢邵爲之倫斯文之末流也鼻馬頰

牛之論中軍聽之而生爭搗蓋噉杵之談洗馬思之而成病則又斯文之魔業翰墨之魔境至若宏通碩彥經師大儒鄭玄之文通人不取溫公之筆四六不能此不可以辭章律之者其經濟大也樂旨潘詞廣談虞筆二千年以下兼而有之者緊何難哉予髫幼成文中年萬里經史爛於胃中雲山亂於腳底自以爲才學識三者皆當有也乃志功名急經濟遭臺官之禍纂述之成書者經史之論辨者樂府之未諧宮商金石之未付雕鐫者吳中郡縣官持抱以去而摯仲治半生之文書蕩然矣並非關通丁謂之書而概

與一燒亦不借重洪喬之寄而投之江底此砥柱之
沈災榮宮之火洗當時也郭子橫之救火任文公之
逃水何暇計及著與撰之存焉否耶幸而王陽焚道
險路求生韓愈華山危途獲濟或藏之殷浩手巾或
寄之王恭如意主人莊子僅畱漁父殘篇中書孝經
惟剩王混摘句抑不啻嵩山蚪斗之文顯節陵中之
蠹也已竊惟彥章死豹名以皮畱楚國神龜生以骨
貴而乃陸澄著述力已倦於經年任昉屬辭才將盡
於晚歲五行志少尙可暗抄三篋書亡多難默背憶
當日十吏環書五題岔集門庭藩溷盡是賦才戶牖

門牆無非刀筆沈慮而王充爲之氣衰苦思而桓譚
爲之感疾見楊汝士蘭亭金谷元白無詩聞孟浩然
疎雨微雲中書罷唱議禮經則白虎堂中講論語則
金華殿上何其壯也無谷子雲之筆而空有樂令之
口無揚子雲之才而徒有光庭之手開頃刻之花造
逡巡之酒斯文之道有急就章乎蘇明允之詩祇有
甘篇杜子美之賦不過十首片羽苟重其吉光千金
可享其敝帚僕今年四十五歲矣前不遇古後不遇
今死不見峴首沈碑英雄墮淚生不見阿難結集活
佛傷心李旭曰文章之事不足傳於後世蕭恭亦曰

千秋而後亦復誰能傳此嗚呼未爲僖父已笑衙官
纔讀離騷便稱名士劉季緒才非一世偏能誹毀文
章徐孝穆一代傳人未嘗譏訶作者畱達生廿四首
丈人之集娛我餘年傳枚臯數十篇必不可讀之文
自傷嫫毐哀我文者亦庶幾慙我言而恕我狂也仲
瞿自序

煙霞萬古樓詩選卷一

秀水 王 曇

竹韻

題法梧門祭酒詩龕

十笏團蕉面壁存推敲人影認黃昏詩家香火然鐙
古名士門堂祭酒尊屢以千閒爲老社地方一丈當
龍門就中獅座容多少瘦島寒郊一屋溫

詩海詩城不足誇一茅頂上蓋烏紗撐牀史料三千

卷滿屋王風四百家

今上命鐵冶亭尙書纂選順
康以來入旗詩集尙書出帥南

清未遑哀輯祭酒已收集四
百餘家時奉旨多收宗室天下山林仰梁棟細生

毛髮待袈裟披圖不覺逢彌勒滿紙圓光指笑花

移寓發祥坊第青藤初花懷袁州叔也

一樹藤陰漬碧天七槐風雨尙依然分鐙憶隔東西

屋

宅分兩院諸叔東西而居

借宅能居三百年

宋明帝以南苑借張永居日且給三

百年期盡更請今諸叔發祥坊第奉

旨不繳

中秘芸書官本在

東院書尙存十

分之二西院書已分寄梁文定第三徙所矣

相公蓮府雀羅便

時韓城中堂借寓西

宅

天涯諸叔專城去獨坐瑤階撥阮絃

兩袖清風一罌塵犢禪南阮六朝人江東花雨臺城

路司馬青衫白下春手版尙畱頭老拜

叔嗜石攜靈壁以百數第

中尙有

黃金曾鑄莫愁身

莫愁湖之成墨作文募之成叔一人之手

秦淮

絃管青溪筆

程司馬作青溪閒筆

一去袁江莫重論

奉和舒鐵雲姨丈見贈之作

戎鼓喧天一柱銅

南壘之役同參軍幕歲事時制府監司鑄鐵於貴陽之甲秀樓仍鄂

大將軍

蠻鄉兵幕瘴鄉風書生汗馬髀留肉

初巡撫馮公議

故事也

以軍府辦事賓僚列請議敘先生

妖女囊仙血尙紅

辭之後亦奉部不准時論高之

黃囊仙妖女也以巫蠱煽聚擒歸本道營

才子文章

先生與之秉燭以美言甘之故降者不叛

山鬼泣論黃若文檄苗人識字

婦人茶火大王雄

達初

南壘妖巫黃氏旗鼓最盛時檄調雲南土練中有龍

土官之妹龍么妹者年十八美麗善戰冒其兄品服

矛槍所及掣一斃十黃氏所部遂

中年空橐從軍筆

不乞平夷一字功

些些招魂不到家

雷黔三年先時傳先生過朱仙鎮楚賊齊王氏焚掠抵其營罵之爲

其賊婢所害

青衫白面又長沙

戊申歸吳門一月又應楚藩通方伯捧撫湖南軍營

書記之聘余面誦東坡送喬施州詩共怪河南門下

士不應萬里向長沙之句先生不然曰吾負米養母

不畏百里豈畏萬里青衫白面見李東陽長沙竹枝詞三閭血祭叢祠宇故楚

大夫祠土人頗爲屈公祠別書額太傅承塵破廟花

改正焉并請於本藩司勳聖之會試旣而杳然遂俱不赴北上曇

賀老琵琶怨場屋曇時寓吳門約以是冬同赴己未

亦遺事彌衡鸚鵡戀天涯巴江烽火瀟江月愁夢湘娥

十二壑

重過穀城書宋汝和觀察項王碑

大雞山後小雞前馬火人燐一塚煙白帝山阿五十

步羊公碑版二千年

墓自漢迄今從無碑碣汝和觀察守汝始表禁步霸才

遇主談何易，轅下無牛祭。不虔亦有烏江歸，去客穀城山下再流連。

晉征虜將軍東亭侯廟在虎山之東，俗所稱短簿祠也。裴廡雄暢，登內殿五十三級爲夫人之宮。余以雲孫禮致禱於吾祖之靈，假館內寢，獻詩一首。

老祖烏衣巷，雲孫馬糞寒。青氈佳子弟，團扇晉衣冠。借宅吾宗古，司香內寢安。淮流如不絕，畱我一人看。

施府君神絃曲

思賢鄉有施府君廟，最古者建自宋景定中。

今稱祖廟是也府君名伯成姓施氏九歲爲
神土人祀之旱澇輒應至景定載入祀典已
逾百歲俚俗神歌謂府君生長神異託活外
氏童而好弄如所稱驅牛入地放鵝上天幻
迹不可殫述又謂府君九歲脫化探鷄巢至
殞遇大蛇古木尙在則皆東野傳言似足徵
實者也壬子二月乘輿廟下聞野巫操盃酒
而祭者陋其俚而爲之辭

東方瞳瞳老鷄死樹上蛇來食鷄子蛇鳴一聲破巢
去雷公吹巢墮流水野田不曉神靈聚上馬泥神夜

言語七秋八月水花乾巫來一箋天下雨神死幾多
年驅牛下黃泉黃牛入地走野鵝飛上天鵝天醺酒
殺羊爲神壽三十二都歲大有魚鴨千頭米千斗大
姑箕小姑帚蠶子蛆蛆繭盈缶一歌施府君府君爲
我聽螭蝗不教出噉食田苗青再歌施府君府君爲
我醉囑付馬頭娘湖桑不妨貴百年三萬六千日處
處笙歌好年歲迎神曲送神曲神去神來受神福願
神化作東方雲雨我村村粟不願老天雨我珠和玉
金鐘山題李王廟并書夫人寢碑

安吉爲唐故鄣地公平輔公祐於此故碑有

平盜丹陽之語今名李王山山中碑版林立
皆唐宋人書案公爲韓擒虎外甥初見楊素
卽有拊牀推坐之目公爲庸人亦當感恩知
己况英雄乎是必無私其侍姬爲申公巫臣
之爲者小說欲以英雄推夫人故重誣衛公
矣詩以辨之

金天華嶽一書通首上江陵十策功青海驕汗巢穴
盡陰山匹主幕庭空韓擒宅相難爲舅楊素胡牀推
與公能得青年有知己良弓高鳥自英雄

我讀虬髯傳不然夫人墳冢象祁連衛公謹畏如平

日越國房幃况晚年侍史忍辭袁盎去舍人肯負孟
嘗賢唐書兩種難憑信况且虞初九百篇

上巳日蘭亭時歲在癸丑

抱書看山山欲眠酌酒勸花花可憐上巳風光來此
地永和流水到今年山如好女能濃笑春不人情做
冷天四十一賢香火地更無人與塵談玄

登良鄉大防山

冀北山河一鴈長黃花春影見牛羊軒轅臺冷風煙
古碣石宮墟草樹荒千里南車迷火帝百年羸馬哭
昭王幽陵雨道長榆外濕水無聲下范陽

火官書下相言選卷一
花島金鰲玉煉橋所見白堦也

玉女曉披衣翩翩一塢飛可憐蕭母后不見李元妃
金粉三朝在聰明一月非水精簾下看惆悵不能歸
遊西山檀栢寺

手接太行嶺平看一地煙時逢小春月身到大西天
出郭青牛穩馱經白馬便雞山難可見彈指此壇邊

清宇經館奉呈章嘉佛

時釋藏
既竣

逍遙園裏貝多春波若臺邊笑語親校定舊經三百
卷歸依乞士五千人華言唐古紛紛異國語房融
筆筆真授我楞嚴總持意傳鐙畢竟有前因

平山堂同金棕亭羅兩峯兩先生作

淮南雞犬竹西僧占盡揚州此一層百劫山河隋大業一家文字宋廬陵匆匆絲竹空哀樂久久樓臺幾廢興笑問木蘭今長老南朝香火有然鐙

瓊華觀讀明武宗皇帝禡祭記

武宗征宸濠駐師觀中記謂其觀兵揚州一時金鑒介甲之士市巷坊街幾無立足禡祭之日敕諸生執絲竹襄祀者二百餘人軍容之盛振古無比蓋武宗處中葉太平全盛之時揆文奮武仿漢唐渭橋故事安不忘危致

有深意而讀史者似謂其弄兵好勝不知有
宋九朝全賴澶淵一出使天下知有黃龍大
纛也况武宗賢相在朝名將視師天下將垂
拱無爲此玉搔頭一部傳奇雖曰遊戲亦一
朝樂府之不可不傳者

簪花鼓吹下揚州

武宗南巡戎服簪花鼓吹前導見陔餘叢考引傳維麟明書

如

虎宸濠一縛休此日六軍同祭馬當時一炬笑迷樓
三千殿腳悲瓊樹十萬貔貅弔玉鈎天下安危注將
相大明天子自風流

莫愁湖落成奉呈李松雲宮允作

香山未到西子湖枯醉翁不來環滁水澗以
故吹安石之竹則東山不惟一時讀少陵之
詩則漢陂可以千古守土者卽不能名山學
士號湖郎官而古迹之湮埋亦當事者之責
備歟石城西有莫愁湖者當蠻社珠沈之後
太白樓荒之日蒲生董澤草長蘇灣裙屐去
而人影銷笙歌散而衣香寂久已哉金粉百
年雲煙已散者矣湖在明初爲徐武寧王湯
沐之地當時也阿侯故宅曾經光祿池臺少
婦青樓忽作將軍樓閣二百八十年是處風

多三萬六千場此閒人醉今也大宮坊第門
戶猶存十廟功臣子孫尙在豈非良弓高鳥
范蠡先聲醇酒嬾人信陵故智乎松雲中允
來守是州重新黜堊圖凌煙舊日丹青再買
臙脂染好婦當時顏色某青鞵布襪弔古懷
今慨異姓之眞王可憐功狗笑開元之天子
不及盧家序滕王高閣落霞與孤鶩齊飛作
王儉短篇老子與韓非同傳

天子無愁妾莫愁此湖傳是古青樓功臣十廟同時
盡異姓中山與國休

宏光滅而中山國絕

甲第華林畱舊石將

軍絃管剩箏篴高明詞曲琵琶記

高帝以則誠琵琶傳奇比之五經看

核帝亦風流護阿侯

杯酒兵權到此時黃袍還恐美人知六橋湖柳閒蘄國一部清商老尉遲佐漢畱侯如好女大明皇帝本能詩可憐一地胡藍血不與歌兒舞女期

景陽宮井爲寺僧失其欄今新甃也

美人不照華陰井叔寶心肝麗華影失我胭脂婦女愁六宮淚水如泉冷陳宮往日八才人如魚如水一家春金釵照月年年豔玉樹從風日日新麗華十歲兵家女金屋承恩阿嬌貲三鳥初來王母家玉清本

在天孫許梧桐結子早盈囊豆蔻含花乳鳳皇得寵
不緣憐太子專房只合侍承香求賢殿裏西來佛不
妒蛾眉愛如月長樂宮花春自芳昭陽院草秋來歇
選入東宮初乘鸞承封冊拜綠霞冠中宮不數陳皇
后侍女何須賈佩蘭君王初起齊雲觀複道捫天闌
霄漢欲規漢武合歡宮不仿長楊射熊館風流直是
住臨春三閣連連兩貴嬪宮中妃子三千歲天上張
星十二辰洞房左右離離曲翡翠沈檀間珠玉寶帳
宵眠兜沫香金牀晝爨仙音燭官家歌舞愛山池虹
草恒春好四時樂景不緣天上有賞心那有外人知

復有深宮往來道淑媛亦在蓬萊島美人爭說使仔
賢昭儀誇道修容好黃門給事肯教遲賤奏封章事
事知中使只稱李善度內官兼愛蔡臨兒臨兒解識
風流猾鬢黑如雲貴妃髮七人喚取侍神仙十客呼
來伴明月江總文章足大觀客卿詞賦是豪翰宮裏
佳人袁學士殿中才子孔都官雲光賤采桃花色哦
詩寫近君王側不須安世譜房中何必周南勝諸國
麗畱樂奏罷琵琶挾彈吹笙盡內家那曉春江花月
夜祇知玉樹後庭花結綺宮中人婉孌望仙樓下呼
兄弟天子宮中且莫愁尙書不討君王計班姬文學

左姬賢飛燕如花事事專左右貂璫纔五十後宮巫
蠱僅三千三宮昨夜傳妖厲一足山禽字成謎閣中
天子夢黃衣山鳥來歌奈何帝君王身是佛家奴黃
塵皂莢不須呼人閒萬歲爲天子不若長星醉一壺
蜀江流梯中江隘烽火南來一衣帶璽書十萬下江
陵飛來忽到南天外春官絃管正登臺京口城門昨
夜開貴妃尙在君王膝天子焉知有禍來鍾山鐵馬
葦山谷擒虎南軍勢如竹江龍已扼上流軍白土岡
南鬼神哭孔郎俠少不知兵游戲承當大將營蠻奴
只作迎降計司馬焉能一背城摩訶少小蘭陵族急

作皇畿大都督平生名勇冠三軍今日爲俘陣前辱
此時天子昵宮娃牀下軍書事事乖僕射不堪還獻
納舍人那敢更諏諧官家最是風流子不作降王未
能死金井無波好誓心河魚已著春秋史流傳此井
已千年欄口丹書字字鏤愚公擔石焉能塞精衛銜
砂不教填轆轤索斷銀瓶冷古甓相傳照形影香徑
宮花百草荒君王鼓吹千年靜景陽宮瓦已成灰狐
鼠空山雉鳥媒山僧不忍前皇辱重與官家輦一坯
從古繁華若轉燭琵琶浪寫開元曲京洛門前舊日
駝闔閭臺下當時鹿銅雀西陵事可哀行人誰識故

宮槐六朝脂粉成塵土八代風雲變草萊寒食飛花
莫相送長城公老臙脂痛天子風流自古然往來多
少雞臺夢

石颿樓

弔琴娘也琴娘天台魏氏女以國朝順治
三年死潤州之甘露寺按魏自序琴娘歸三
月鞏鼓南來擁之北去歷河渡淮欲死無地
旣而琵琶擊碎幸脫餘生破面毀形蒙垢廢
迹晝乞道途夜竄青草託流水之飄花言來
京口遂登北固涕淚如狂憶昔爹娘空傷魂

魄良人天遠存沒何知惟幸遊魂帶血夜化
啼鵲猶恐不解南歸鴈峯路絕因題短什望
達孤親遺事流傳附諸誌末亦足偉矣嘗覽
潤州故實如華山畿杜秋娘瑣屑閨情文人
贈炙琴娘以奇特孤操委身宿莽翰墨無聲
訪諸操觚未能口實予登石驪之明日緝綴
繁辭次其梗槩雖不足振揚藝林亦未始非
宏獎人倫之本意也

江上晴雲畫如絮紅梨花底紅禽語紅禽樓下逐花
飛樓上飛紅墮樓女金閨自述琴娘嫁銀鑪藝麝檀

郎夜珊瑚枕絮不成眠玳瑁妝花未曾卸鯨鯢唐突
月翻營蠅蛾一旅雪登城當時鳳吹樓頭出今日鶯
啼馬上聲敲冰斫凍朝漿汲掩翠低紅夜深泣上前
鵝韞倩人扶落後弓鞬亂流立黃雲墮陣濁河頭紅
旗拔鞞清淮流駝囊瀉酒駝鞍喫鬼妾呻吟鬼馬愁
蠻羶帳裏蠻絃語春燕秋鴻亂無序崑崙不是姓康
人琵琶忽中秦庭柱鞍驟抱馬三更櫛戴月承星伯
呼叱偷壕出塹死誰知虎口縋生命如風野田積水
淮南道日乞窮途夜青草娉婷秋月缺誰圓爛熳春
雲亂誰掃雲煙羃羃天如弓關山不見昔來鴻猿驚

鳥怯傷前侶，鶴寡鳳孀泣。故雄北固山，頭半城雪西。
陵渡口，行人絕。魂禽叫下土，山雲鬼鳥啼。紅寺門，血
阿爺生我阿娘慈。袖中卻扇妾郎詩，君生妾死君休
恨。妾死君生妾不知，風風雨雨山頭壁。字字行行淚
泔泔。此時烈骨枕荒涼，此夜遊魂免驚惕。豚魚吹浪
江生風，雲霓爲佩月爲容。石颿山下颿來去，且上颿
船到鴈峯。江南遊子青衫客，捉筆題詩替嗚咽。一弔
江樓諡君貞，再弔江樓諡君烈。

焦山夜泊

華嚴靈館壓巉巖，一片風煙接寂寥。大地星河圖永

夜中江燈火見南朝魚龍古寺三秋水神鬼虛堂八月潮獨上數層捫北極滿天風露下銀霄

漂母祠懷韓齊王作

王孫如此不忘情漂母祠邊淚有聲作帝何妨先楚漢忌才畢竟是良平恩從一飯甘刀俎義不三分合鼎烹

三分鼎足之說始于西漢項王之約東漢書述之書

賴有英雄劉季在肯

教傳得蒯通名

奉酬舒鐵雲姨丈

十載聲名眠裏思天涯親串見時遲江湖到處無家住風雨相逢有贈詩兩姓中衰諸舅說一身家難母

姨知故鄉豈少論心處不忍言情淚要垂

憫忠寺石壇唐太宗瘞征遼戰骨處也

沙蟲猿鶴亦從龍豈是英雄竟不逢失地降王生有

廟

唐英雄廟以祀李密建德太宗時建

無功名將死難封命無麥飯歸

殘骨福不苴茅負戰攻一樣君臣時際會昭陵陪葬
有青松

長椿寺展明慈聖太后像

九蓮花下現天神奈素生香母后身衣法尙傳童女
面家風原是國夫人中宮講讀悲冲帝勝國絲綸慟
老臣再乞田妃遺像看茂陵金椀一朝春

落花詩

如此飄零怨也遲斜陽肯照未殘時生成一樹桃花
命冷落終年后土祠隴水人吹三弄月孤山魂葬半
墳詩寒鷗齒冷秋煙笑死若能香那得知

殘紅殺盡綠難肥誰想逢年再夢緋春了定教分手
別山空只好背人飛從遭幻女拋來着敢笑文殊放
下非千里胡沙千里月琵琶此曲是明妃

銅雀臺故址

如許疑墳冢冢煙殘磚猶字建安年荒臺鼎足三堆
在亂世奸雄一瓦全七子賓僚名士誤二喬夫婿婦

人憐曹公石墨姜香閣焚卻君苗不忍研

霍太山感李靖騎龍行雨事

畢竟功名不可遲騎龍須趁少年時霍山老母今何在閒煞當年李藥師

希夷洞

一枕無憂樹關門作睡王未登乾慧地已到黑甜鄉
混沌古無譜邯鄲夢不長看來仙佛事亦是一黃梁
唐河西節度王忠嗣墓

倘不偏聽林甫讒以公持重住潼關喪師未必徵舒
翰反狀眞能殺祿山出處但爲平世將功名早在古

人間嫖姚貶死祁連在血戰荒阡草尙殷

留侯祠

子胥鞭楚楚不絕留侯入秦秦卽滅英雄爲報一家
仇何苦漂流萬人血胥不得佐太子建良不得佐韓
王成不爲赤松走幾爲猛犬烹功人功狗兩無益徒
受亭公謾罵名張良不食穀李泌不娶妻早欲祠黃
石何如老白衣君不見五湖范蠡載西施一舸鴟夷
去已遲魯連不忍秦皇帝密鑄亡秦一柄鎚

倉海君
爲仲連

士養

驪山烽火樓故址懷華清遺蹟

仰不見斜陽羯鼓吹笛之樓俯不見望春樓下宏農
得寶之舟何處宜春舊時苑何處芙蓉勝容院明珠
何處南箏殿亦不見鬪雞走馬內毬場桃花何處元
都觀唯見驪山烽火樓潼關走敗哥舒翰我復登山
望馬嵬佛堂紅粉已成灰當時馬上朝天去一雨淋
鈴再不回憶昔開元全盛時華清宮殿此參差三姨
宅裏分脂粉妃子宮中洗祿兒三郎羯鼓寧王笛梨
園龜年吹簫栗敎坊傳喚念奴來野狐塋篋賀老拍
新豐女伶謝阿蠻三百萬錢犒樂籍畱得清平調幾
章而今何處按霓裳自從一曲長生殿陪下優童淚

幾行踏到驪山最上頭琵琶西去出延秋四條絃線
今生斷我亦斜陽無限愁仰不改韋杜城南尺五天
俯不改鳳棲鴻固樂遊原皇子陂前月清明渠水煙
紫峯白閣依然在香積慈恩不曾改太乙終南萬古
青天寶繁華十三載傷心最是美人身承得君王多
少恩朝廷不辦干戈事輕把興亡罪嬪人忠言逆耳
蕭妃子狎客吟詩孔貴嬪從來夫婦愛何必盡昏君
叔寶心肝擦一醉三郎檀板棄三軍細取唐書讀何
關楊太真君不見晚唐九廟無皇后也有朱溫殺猱

猱

漢陂舟泛時也斜陽旣散新月未來

高冠潭北漢陂東紫閣峯陰一抹空襖靄波聲隨櫓
出夕陽煙影進城紅沿隄人語當頭月隔水湖鐙帖
岸風呶啞一聲全不見小舟搖入亂雲中

漢武帝茂陵

祖龍而後事驅除千古雄才斷不如一統早收南越
地六經始重聖人書求言帝度容方朔問道儒官用
仲舒五十四年文治日天山犁得幕庭墟

求賢初詔下金門一勝賢良百十人容得馬遷畱謗
史能成蘇武做忠臣張湯峻法刑名好汲黯狂言慙

諫眞明說賦才無用處鄒陽枚馬任沈淪

西域河沙古未開
犛牛微俟接輪臺
掃空瀚海長城外
斷得匈奴右臂來
和議終非中國計
窮兵纔是帝王才
守文弱主書生見
難與英雄靖九垓

壺關一悔奈匆匆
思子歸來僅有宮
命將不曾封李廣
愛才畢竟誤江充
神仙大藥無消息
方士招魂又鑿空
不有茂陵遺恨事
怎教人士哭秋風

三班曹大家祠

一門文賦有笄纓
傳得家兄父子名
班固史才歸妹氏
馬融經學是門生

馬融從昭受學

村畱絳帳先生在

東南爲絳

帳村家有楹書子婦成一疏酒泉生入得玉門關外不
勝情

絳帳村相傳爲馬季長傳經處

苦無時命趙邠卿到此猶聞絳帳名徒有將軍西第
頌並無絲竹後堂聲殘經易拜班昭讀胡粉難爲李
固情前列生徒後女樂不應謀殺鄭康成

秦穆公墓史稱橐泉祈年觀下今鳳翔城東南
隅也

一夢釣天霸業長橐泉氣定咸陽尚書作誓經文
在左氏尊秦史筆彰豈有孟明赦一青斷無黃鳥殺

三良小臣或有攀髯意蕭史飄飄隨鳳皇

登漢王將壇

此間旗鼓太纒紛韓信登壇不可聞但有救時賢宰
相何須掃地大將軍塚中枯骨袁公路天下貪官庾
仲文即使天兵全洗盡瘡痍無足第功勳

嶠底懷漢大將軍馮異

不傲河西五郡尊我來嶠底笑公孫苦無鄧訓滹沱
運微有蕭王粥飯恩河不奈何公且渡樹猶如此我
銷魂可憐一騎回谿馬踏破饒陽草舍門

題五雲所畫大唐長公主像

獨將偏師冠一軍入關娘子是功臣
凌煙閣上無名姓闕寫開唐第一人

奉酬蔣立厓司馬

業晉

一登東岱廢豪遊重指華山見蔣侯
到底何人如管樂此間有客是羊求
文能上馬聲何壯心欲擎天老未休
多笑仰蘇臺下客

有和雲松先生仰蘇樓詩

只教公早築菟裘

曾繭冰山萬里馳樓蘭風土兩囊詩
先生老健須籌筆餘子文章不救時
絕塞張騫雙鬢在還家蘇武一官辭
平羌功德安西碣親到燕然是見知

蘇臺畱別

口不吹吳門之簫手不舂梁鴻米全家風雨一船來
安穩三年住吳市來時無一錢二十四番花底眠賓
客纏頭錢百萬家僮鼠耗米三千去又不能遂粉面
吳娃強人醉琵琶七十二條絃一一條絃響流淚青
樓十二釵南部煙花記斷袖猶牽飛燕裙割席還聯
麗娟袂玉壺紅淚涼流斷女媧腸金陵已負秋娘謝
見前集 鶴市重悲一妹張舵樓細雨絃聲急鸛鵒貫酒
文君泣內素睨星娘肉陣屏風散似雲燭圍尙向封家立
金鎖纜雲舟張星天上頭能裁楊柳三千樹終少鴛

鴛一座樓人間命薄者卿柳妓館傳餐我何有樂遊
原土葬詞人三月清明一杯酒青山綠水兩橋邊越
水吳山總一天少遊終負長沙女且約颿風五百年
楓橋河柳桐橋月元墓梅花夜如雪湖山如許尙無
情迹刻潘吾也曾滅白馬換春娘逐客路途長三生
如落葉一曲是迷陽平頭老奴赤腳婢項帕濃書繫
君臂綢繆喚取守宮砂印花顛倒鴛鴦字

舟泊莫涇日已暮矣雲門率女奴氍毹東坡
三過堂詩是日余過里門不入

空燒紅燭夜募碑殺費隄廩不畫眉已分丹青拋夜

織更耽文字廢晨炊仇池石在空爲爾雪浪齋畱榻
與誰徒被坡公濃笑看明誠夫婦又同癡

武林郭外雲山如畫雲門有梅妻鶴子林君復
泛宅浮家張志和如此溪山畱不得五湖歸計
又如何之句以詩答之

清風明月水仙家有半年華穀看花白日於人如走

馬青山爲我大排衙初年結集悲如是

余詩十七集內攜至越中

爲結集計趁早光陰占若耶唯有烏篷隨處好前船賓客

後琵琶

西湖祖席奉題趙介山殿撰李墨莊舍人奉使

琉球

蟒衣一品乘輜軒旌蓋湖船餞狀元外海山河唐屬
國中朝天使宋王孫時逢名士文章會客忘詞臣禮
數尊一路榮光美持節鯉魚風裏望蛟門

聞道文章憚鱷神鄴侯家世謫仙身聲名中國蕭夫

子詩價雞林白舍人山島田橫猶逆命

時海寇方張樓船

楊僕是文臣伏波未署將軍號趁寫圖經靖海塵

閏四月自越中旋擢移寓吳郡東園畱別曉林

太守

全家杵臼梁鴻宅一舸鴟夷范蠡船吳市鶯花新閨

月皋橋風雨又三年方回門戶歸來在支遁東西巷

有緣

東西兩支巷中前後推我大宅臨別封還

爲有題碑賢太守

唐寅死無人爲

書墓碑者郡守胡公爲之大書深刻云

桃花庵畔我流連

丹崖石壁

丹崖石壁畫難摹好幅橫長赤壁圖朱勔畱傳眞良
嶽石崇敲剩古珊瑚補天材料精華在全蜀山川縮
本摹欲遣米顛來一拜洞天清品似渠無

白雲湖上望巒堂霽雪訪嚴三明府病中話舊

馬上寒聲噤曉霜白雲隄上見林光銷金湖面如西

子傅粉山容認女郎

章邱山爲大章二女所葬故名女郎

重九糕時前

令尹

嚴明府置酒賢堂大集賓客兩辰年九日也時余遊長白山

上元雪後舊賢

堂分明記得長山路安敢重容白也狂

長白山爲李白養禽千計

處

下榻虎邱武昌鐵舟大師館我於聽秋樓上

吳天花雨楚天秋踏破華山覓鐵舟風月在公初住
地神仙容我半間樓人將書學推懷素我以詩才讓
惠休幾被穎師傳一曲成連山下竟勾留

桃花庵詩

唐陶山明府以唐六如居士祠墓荒蕪分廉
助葺落成日首倡四首同人和韻

百年紅樹已成塵何事方墳又一新吾輩功名多鬼

禍君家文字兩傳人憐才守宰悲枯骨

六如負譴既久及死人無

肯爲之製文者太守胡宗積哀之爲書墓石今明府繼之故云守宰

薄命桃花哭替身

髣髴長官題字處荒蛙篝火舊時春

眞把青衫著老奇十官身詰鬼何知清明埜火唐衢

血黃土碑支幼女辭

先生無子唯一幼女

關雨殘風居士塋衣

香人影水仙祠從他塑土搏泥後可做人間繾綣司

準提菴有六如塑像婦女於桃花開時簫香致敬蓋以月老事焉

戲題梅鶴雙清圖示雲門母子

梅花喜與鶴將雛鶴有梅花鶴不孤寄語故山梅與

鶴天涯走殺老林逋

庚申五月與雲門母子西遊相別余自瑯邪放迹涉蓬海成山

採沙門皮島今年北瞰紅螺犯洪流南下及歸虎市越書時至而身不獲往是圖之作因雲門有梅妻鶴子之句也

松臺墓祭

金梅園外舅廷珪卜葬山椒園墓者謂山水勝處非吉城也

斗酒橋元墓空山窆石封眼含宿草淚人掃棘門松
遁世漢梅福傳經女蔡邕可憐三步過腹痛丈人峯

釧影泉

松臺山有乳泉焉味如惠泉尤冽先是梅丈
未葬僧屋無人皆下山取汲自五雲姊妹負
土墳成泉乃泌沸今蹟在佛龕之後余疑五

雲之刳臂創身精靈應之也名之曰釧影泉

志女孝云

一行釧索影中冷呼過春條汲一瓶人指孝娥圖墓

處天教奇鬼發泉靈龍堂薜火成茶癖

丁巳春我二人品茗於吳

山之龍

虎寺松聲記水經

庚申初夏又同阻雨於虎跑寺煮山泉二十餘碗日

暮得

前度雅遊全是夢卿書碑版我題銘

奉上海李味莊觀察并寄鐵舟上人

魚龍風冷失蛟豚滬濱東南一柱尊海樣文章蘇玉

局中原名士李龍門雞林詩價平夷舶楊僕樓船撤

野屯公自彈琴民自樂春申江上有唵罇

一通衙鼓吏傳呼印紙閒書調水符元白新牋繡樂

譜辛蘇小令課官奴

凡宋詞之不諧宮商者公被以管絃

中郎鑿尾文

簫和北魏殘碑楷字摹

手書十經

軍國勳才經國手太

平時與暇工夫

貫休豪畫惠休詩懷素能書初不知韓子門生賈島

佛鄴侯仙骨嬾殘師舟留東郭書來遠人集西園我

到遲徧讀屯田長短句滿船風雪夜填詞

書洪稗存太史大江東去詞後

銅絃鐵撥到江東胡粉粧花一塞翁除死頭顱孤注
擲補天文字女媧窮身從魑魅荒山後人與辛蘇辣

味同誰是關西閒大漢爲君彈唱夜鐙紅

義興相墓詩二首

余少嗜狗馬慕周孝侯之爲人旣潛心墳典
出謁前輩年逾弱冠又慕明盧公象昇之出
身科第忠於行間乃卒不如志今年臘已暮
矣於剡中得友人儲香巖書招余往義興相
墓余慨然許之蓋欲藉以誓二君子之墓以
畢吾志於牖下也慷慨之心侯與公之神靈
鑒諸

周孝侯墓

力不敵南山虎長橋蛟書生之筆一雞毛手不殺梁

王彤齊萬年立功報怨心荒然人生立志亦有命戴

淵作劫將軍橫平原豈是用才人不遇葫蘆道名姓

天遣亡吳不用公

案三國時孫皓封國山時周處爲太常

幾教里老將

公釁豎子王渾豈得知古謂楚材用於晉將軍少小

名父子名重身輕不知死讀盡人間風土書

侯著風土記尙

存何愁七萬梁山氏不獨南塘祖士少胡牀客識平

原笑士怪公卿不薦賢薦賢也得朝廷要華亭之鶴

心感傷一樣將門子彼祥此不祥

侯爲吳名將周勰之子步兵校尉賓

少之孫與陸氏皆三世爲將而侯以善終云

卅篇默語在巾箱

侯有默語三十篇見

晉史平生不美將軍字從此挽弓不用強

盧忠烈墓

文不能華人國武不提戈殺強賊少年科第老勳官
笑倒孔門童五尺一代文章明八股崇禎元年天地
腐黑山大舉白波來五色兵官亂無主天生奇才洪
承疇當時不知皋夔流遼薊長城呼道濟中原一壁
付盧侯白面書生三十九公像存廟中微髯白而美書生也髑髏模
糊血在手一刀揮擲萬刀飛以佩刀歸今廟中無其物矣不見賊
前見賊後公之拉賊如拉枯鄖陽潛蕩光州屠當時
殺入滁州境五里橋邊一賊無鉅鹿呼援援不至可

恨諸奴壁上視賈莊一戰滿身紅夜半蒿橋鼓聲死
公不羨南霽雲張睢陽大忠大勇無文章亦不羨吹
胡笳讀孝經書生之兵紙上靈觀公筆下字讀公集
裏詩身如魯郡顏開國人似中原卞望之爛腸之尉
竈下養棘門遊戲中軍帳明朝中葉大平時錯當仇
鸞是福將

國山封禪碑吳歸命侯孫皓時書也余舊有古
搨所少僅數十許字及造碑下漫漶碎裂一字
不可識矣慨孫氏之泯滅於暴皓也系以詩

七十二君不見史亡吳忽有公孫子青蓋人傳歸命

謠誇宮自渚臨平水三郎石印揚州士渚楚都吳太
平始鬼草平盧號侍郎癡兒之駭不如此文臺往日
霸江東腸繞昌門夜冢紅洛陽親探甄官井受命秦
符入手中獅兒東來白虎蹶兩字孫郎失人魄朝驅
王朗夜劉繇囊括長江捲以席八十萬軍一船火紫
髯如虎將軍步公孫海外下降書飲馬能來不能渡
英雄老去少貽謀弟及兄終亮與休弄焚燔盃音迄
擁音鬱眞可笑靈雲音鬱冠音鬱豈箕裘從古人君誤符

瑞事始初年權僭位黃武黃龍屢紀元祚祥伏在麒麟
麟至前人陳迹後人師天璽編年皓敷之鳳皇寶鼎

時時換不到多年竟不支吾讀金陵神識碑

在江寧府學石

碎而字體完好

八分如篆字苔莓心疑一片昏荒石何故轟

雷不與灰物非輕見卽爲妖石若能言便可燒商辛
夏癸居朝日鸞鳳飛來也是梟國山一碑彰皓惡面
剝人皮眼睛鑿竭來石室看全支一片模糊心反樂
萬古煌煌胸界中六篇石篆紀秦東太山合許金刀
刻一統河山自祖龍壽無金石固國笑虎狼寬雖然
六國芟夷盡實有長城一堵功

小除日移舟鄧尉探梅也自至理山入徑香海
銅坑潭東西間已七分矣是遊也於虎山梅度

歲

舊日林和靖當年郁太玄爲花閒一世招我當三賢
有地能逃俗無家不過年人煙山墅裏忙殺五更天
住穀城之明日謹以斗酒牛膏琵琶三十二絃
致祭于西楚霸王之墓

江東餘子老王郎來抱琵琶哭大王如我文章遭鬼
擊嗟渠身首竟天亡誰刪木紀翻遷史誤讀兵書負
項梁甬部瓠蘆漢書在英雄成敗太淒涼

秦人天下楚人弓枉把頭顱贈馬童天意何曾袒劉
季大王失計戀江東早推函谷稱西帝何必鴻門殺

沛公徒縱咸陽三月火讓他妻敬說關中

黃土心香一刳塵英雄兒女我沾巾生能白版爲天子死賸烏江一美人壁裏沙蟲親子弟烹來功狗舊君臣戚姬脂粉虞姬血一樣君恩不庇身

趙味辛太守招登兗州南樓舊址俗傳少陵臺

也先日與大興舒鐵雲姨丈位虞山孫子瀟原

湘席子侃世昌三孝廉同訪靈光遺蹟

天不憐生王之貴貴死士一火靈光魯王死人不以少陵之賤賤南樓十丈黃泥堆在此鄴三臺土花紫四百餘宮一如是通天臺土何人指不使公食橡栗

嚼黃獨死後精魂有誰哭使公身臯陶位稷契宋璟
姚崇究何益授公龍武軍以公蕩安史開門作節度
關門挾天子不過西川一嚴武做不得九鎮朱溫唐
尙父乃使公潛身行吞聲哭一兩麻鞋破被宿大雨
狂風簸其屋豈不是唐朝城交州土城有官司土有
主何以名之少陵杜狐火荒荒一坯古臺又不可歌
臺又不可舞有酒如龍詩是虎百年誰是詩旗鼓曷
不見南樓月庾公到戲馬臺風吹帽太守登臺賤子
笑廣武場頭土一邱不得孫登一聲嘯他年吾輩何
人弔

鐵雲先生烏戌書來先日與桐門舅氏看花山
塘連舟話別書來述及敬報一郵

櫓酒三瓶夜鐙花夢未消人歸鶯脰水秋老畫眉橋
烏戌仙人宅姨家佛母橋得歸無長物詩卷笑牛腰
似舅何無忌呼童許散愁於舅氏處攜一童
去余之舊小奴也好花雙
老眼明月一船頭白水盟狐偃青山戀虎邱無家親
串在小別亦勾留

一卷元和體金天鳳字工買書經島國獻鳥達空籠
承寄詩函并所書詩片字畫精絕爲銅商公肆
中遮留僅以封筒下寄故有獻鳥空籠之喻此稟
矜三絕無文祭五窮南華橋下水相見一郵筒

徐榆村先生虎山訪我三返不值舟過吳江以
詩把臂

一笑天隨子歡然大覺仙百年如願福一等地居天
女樂封家陣絲聲陶峴船畫眉情太重天與畫眉泉
其別業也在石湖楞伽山東囑我題刻

三萬太湖水吳江半竹篙寥天居一鶴橋子字三高
歲月長桑富精神郭璞豪虎山行看我三返健於猱
西湖度臘迎內子於山陰

浪有高柔癖三年隔浙波機聲畱越絕人影夢天河
病骨秋如葉殘年鴈戀窩殷勤奴足健風雨踏潮過

問水雲門下烏篷一櫂懸

舊年泛舟雲門僅留七日

瓠瓜纔七日

嫁女笑多年夢落之流穩迎桃楫子便家書三十六喜字不會填

探到孤山下梅花爲爾開伊人秋水是之子渡江來度臘無詩祭消寒有畫材未容談米價妝束但相催

同登慧日峰

鶴樹一林楓魚天燒火紅雪消天子嶂風落大王雄一水江湖隔雙星牛女通不須悲薄福酸棗梵王宮

淨居精舍圖

壑菴之左曰淨居精舍者傑閣憑虛軒堂四

啟湖南淨寺之南庫也往來僑寓十年於茲
矣今歲爆竹迎春梅花度臘喜山靈之借福
內子爲圖鄙人亦以詩紀

一壑松風庖湍幽南山欄作短牆頭且將彌勒栴檀
閣權當昭明文選樓幾度愛山畱眷屬此鄉誤我做
菟裘劇憐雪後梅花下斜掛東峯月一鉤

同登雷峯分作

夕陽亭子是耶非斜日荒荒尙錦衣一炬殘灰畱鐵
券七層餘土葬黃妃山悲婦女臙脂失手鑄金塗佛
力微錢氏有金塗壇在越徒有野桃天女面隔江猶向故宮飛

酬官眉山司馬舊年見贈

一船紅粉上琴臺司馬青衫歸興纔吳市秋娘初面

處河陽花裏一官來

司馬初識星姬於龍舟水次峨
是日也余初與司馬同席

眉舊雪悲年老

生長於峨眉
山以自號

玉局今生自蜀回可惜

五年前見日玉人今老尙無媒

謂星姬
杜門

不踏機鞢不出城典衣時節過清明寒家春杵粗如

意

余遷家
甫定

南巷春聲小太平

司馬居巷
名小太平

聽櫟已成三

虎市

時暴客夜劫
旬日數處

傳牋纔隔一牛鳴爲君更比峨眉

景宦海茫茫莫遠行

承囑山妻作
峨眉山勢